

司馬溫公像贊

宋 朱 熹

篤學力行清修苦節有德有言有功有烈深衣大帶張
拱徐趨遺像凜然可肅薄夫

司馬溫公像贊

明 方孝孺

儒者之澤大行於民伊周以來惟公一人始未可爲萬
鍾不受時逢多艱爲世父母凡民之心惟久乃安欲其
卽從聖人猶難亦獨何修政化甚速誠於爲善四海悅
服用術相欺惟恐不深公神在天汝果何心

送劉四赴夏縣

唐 李 頎

九霄特立紅鸞姿萬仞孤生玉樹枝劉侯致身能若此
天骨自然多歎美聲名播揚二十年足下長途幾千里
舉世皆親丞相閣我心獨愛伊川水脫畧勢利猶埃塵
嘯傲時人而已矣新時數歲卽文雄上書昔召蓬萊宮
明主拜官麒麟閣光車駿馬看玉童高人往來廬山遠
隱士往來張長公扶南甘蔗甜如蜜雜以荔枝龍州橘
赤縣繁詞滿劇曹白雲孤峰暉永日朝持手板望飛鳥
暮誦楞伽對空室一朝出宰汾河間明府下車人吏閑
端坐訟庭更無事開門咫尺巫咸山男耕女織蒙惠化
聞道桐鄉有遺老邑中還欲置生祠

解州全志

卷之十五

夏縣 藝文

三

送趙眞長歸夏縣舊山依陽徵君讀書

盧 綸

臨杯忽泫然非是惡離弦塵陌望松雪我衰君少年幽
僧曝山果寒鹿守冰泉感物如有待况依回也賢

送張少府赴夏縣

李 端

雖爲州縣職還欲抱琴過樹古聞風早山枯見雪多鷄
聲連絳市馬色傍黃河太守新 郡還逢五袴歌

詠懷

宋 司馬光

三十餘年西復東勞生薄宦等飛蓬所存舊業惟清白
不負明君有樸忠早避喧煩眞得策未逢危辱好收功
太平觸處農桑滿羸取閭閻鶴髮翁

自題寫眞

前人

黃面霜鬚細瘦身從來未識漫相親居然不肯市朝住
骨相天生林野人

辭墳

嘉祐元年通判并州因公事至絳私歸拜墳不敢至夏縣而去於今十年矣

前人

十年一展墓旬浹復東旋豈負襁褓愛橫遭章綬纏更
來知幾日遺恨恐終天慟哭出松徑悲風爲颯然

解州全志

卷之十五

夏縣 藝文

四

皇祐二年謁告歸鄉里至治平二年方得再來愴

然感之詩以紀事

前人

十六載重歸順塗歌式微青松敞廬在白首故人稀外
飾服章改流光顏貌非巫咸舊山色相見尚依依

司馬君實獨樂園

蘇軾

青山在屋上流水在屋下中有五畝園花竹秀而野花
香襲杖履竹色侵盞尊酒樂餘春暮局消長夏洛陽
古多士風俗猶爾雅先生臥不出冠蓋傾洛社雖云與
衆樂中有獨樂者才全德不形所貴知我寡先生獨何
事四海望陶冶兒童頌君實走卒知司馬持此欲安歸

造物不我舍名聲逐我輩此病天所賴撫掌笑先生年
來效暗啞

按温公獨樂園在洛下而舊志載在縣西三十里坡
底村何也考名臣錄温公居洛兄旦居夏縣皆有園
池勝概或卽司馬氏之別墅也蘇詩係洛下獨樂園
山西通志載之附錄以誌景仰可耳

司馬温公輓詩二首

文彦博

莫逆論交司馬文君心知我我知君同謀同道殊無間
一死一生今歲分八十衰翁如槁木一千餘日是殘曛
前途若有相逢處尚有英靈解世紛

解州全志

卷之十五

夏縣 藝文

五

留滯周南十五年成書奏牘過三千東山方起爲霖雨
大廈俄傾嘆逝川密有忠言如藥石別加優禮賜貂蟬
兩宮痛惜皆臨奠祇爲夔臯志未宣

輓司馬文正公二絕

前人

昔有鄉賢陽道州亦聞此近有松楸新阡便合開三徑
同氣相求好並游
傳巖舊跡今猶在兼與安平祖廟鄰賢相裔孫還卜宅
先疇吉土是歸真

輓司馬温公三首

黃庭堅

元祐開皇極功歸用老成惟深萬物表頓令四時行日

者傾三接天乎奠兩楹堂堂寧復有埋玉慟佳城
獻納無虛日居然迹已陳清班區玉石寶歷順星辰更
化思鳴鴟遺書似獲麟易名無異論今代兩三人
毀譽蓋棺了於今名實尊哀榮有王命終始著民言蟬
冕三公府深衣獨樂園平生兩無累憂國愛元元

丞相溫公輓詞三首

陳師道

恭默思良弼詩書正百工事多違謝傳天遽奪楊公一
代風流盡三師禮樂崇若無天下議惡美併成空
百姓歸周老三年待魯儒世方隨日化身已要人扶玉
几雖來晚明堂訖後圖心知愛諸葛終不羨曹蜍

解州全志

卷之十五

夏縣 藝文

六

少學眞成已中年記著書輟耕扶日月起廢極吹噓得
志寧論晚成功不願餘一爲天下慟不敢愛吾廬
寒食上塚至瀾洄庄追思祖烈感而爲詩

司馬康

祖學當年向此勤子孫今日繼清芬賢能自過高陽里
尊寵無慚萬石君花滿一川紅葑亂渠環千頃翠波分
高門駟馬流餘慶當見吾家世有聞

此詩刻石在今所
傳獨樂園內卽當

時瀾洄
庄也

沙市監鎮司馬公

夢求

劉麟瑞

荆水滔滔百尺渾邇來淺縮漫潺湲木城聯岸風輪吼

沙磧屯雲火炬燔效死小臣懷綠綬偷生大閹媿朱幡
下官名姓君知否涑水先生七世孫

夏縣道中

王 惲

溼雲壓樹際岡平溽暑還因小雨增官吏因人如縛虎
秋風吹野夢翻鷹趨時未必儒冠誤並隱端爲野鶴憎
遙憶筠溪亭下水萬竿蒼雪照吟燈

禹廟詩

有引

歸 暘

至正庚子暘辟地至縣縣夏都也舊隸安邑後爲
縣猶以夏爲名故縣有大禹廟在城西邱上陽思
今天下耕以食織以衣棟宇以息冠裳以游者微

解州全志

卷之十五

夏縣 藝文

七

夏先王則爲魚久矣四海當通祀矧專其故都哉
暘將往百拜廟下以病不果謹爲詩俟題廟壁縣
人劉大有來請刻石遂書以遺之

茫茫天壤間何處無禹迹維南瞻衡山有北見碣石東
方渤澥西流沙四載所經今歷歷昔者下巢上窟昏墊
勞人如蛭蝻山如蠓齊烟不復分九點安有草木能天
喬八年獨與鬼神語萬里乃見魚龍逃青揚究雍辨區
域漆絲絺紵隨菁茅黃河東流流入海九鼎不傳皇極
在先王故國古河東巋然尚有神明宮四海魚頭萬赤
子孫孫子子如斯蠡豈無一瓣香再拜生成功矧當昔

年三過處物不疵癘田年豐翩翩河漢雲飛龍前驅蜚
廉後豐隆男歌女舞來無窮豈不聞漢家千秋萬載隆
準公魂魄猶然思沛中

懷司馬溫公

前人

瑤臺何巍巍涑水亦瀾瀾我公獨何之空堂遺劍履念
昔熙寧初事事稽周禮新法紛如毛舊基寢以圯公時
居洛師容與花竹裏朝被高阜雲夕釣伊川水宣仁始
臨朝翻然爲時起惓惓撫瘡痍汲汲除莠稗坐令憔悴
民復見雍熙理胡爲厭氛濁溘然騎箕尾忠清與粹德
令聞傳不已嗟予生已晚高山夙仰止稽首遺像前酌

解州全志

卷之十五

夏縣 藝文

八

泉薦芳芷

題司馬溫公墓

前人

宋家元祐幾百年白日已墮吳山前當時中國相司馬
至今猶有兒童傳蒼生苦被青苗誤杜鵑飛向江南去
蝸蝓百鳥噤無聲阿閣新栽鳳凰樹山河不動風雨時
神孫大母俱無爲熙寧一變如慶歷滿眼元氣春淋漓
粉旒低昂歸涑水老鴉却化千年鬼東京王氣冷如冰
五國降人作芟子

謁司馬溫公祠

王思誠

丞相祠鄰孔廟垣高墳老樹涑河干諸儒傳授淵源遠

二聖遭逢禮數寬到處蒼生思久相每聞強虜問平安
想當歸葬鄉閭日巷哭途哀涕淚瀾

碓寺晚鐘

明 趙九經

豐鐘那致此初夜動禪林斷續穿深閣悠揚下遠岑鳥
翻霜月影僧悟海潮音宿我和雲臥聞之警此心

秦樓夕照

前人

十二闌干麗斜陽一半留窓邀山影入簾蕩水光浮鴉
背金明座林梢錦映舟幾回瞻魏闕慷慨獨登樓

巫谷晚晴

前人

晚霽巫咸谷奇觀眼界寬烟消天露碧霞落嶺塗丹茂

解州全志

卷之十五

夏縣 藝文

九

樹邀歸鳥微曛赴短闌王維誰喚起寫入畫圖看

條山積雪

前人

一夜瓊花幻條山失舊痕同天迷月魄無地弔梅魂掛
樹銀龍偃依巖玉虎蹲前村添酒價高臥掩袁門

栢塔秋風

王翰

一塔崔巍駕碧空森森翠栢起秋風雲深寶殿無人到
咫尺仙居未許通

禹城朝雨

前人

一天疎雨亂山低誰喚扁舟過小溪是處鏘鏘響瓊玉
飛來只在禹城西

礎寺晚鐘

前人

梵宇峯頭鎖暮烟
寒鐘初動月娟娟
衲僧講罷歸來晚
一百八聲霜滿天

秦樓夕照

前人

樓閣參差倚翠微
蹇驢駝醉抱琴歸
清高自得林泉趣
千朵芙蓉照夕暉

巫谷晚晴

前人

積雨初收巫谷春
蹇驢何處去尋真
白雲東望瑤臺近
千樹碧桃和露新

條山積雪

前人

解州全志

卷之十五

夏縣 藝文

十

踏遍溪橋不見梅
高吟天地靜無埃
舉鞭可是瑤臺路
自怪曾騎白鳳來

涑水橫橋

前人

涑水西風曉雨收
馬蹄蹀躞過溪頭
扁舟誰唱江南曲
雁落平沙烟水秋

司馬斷碑

前人

事業堂堂三代前
可憐碑石幾多傳
眉山手墨已無半
哲廟宸書僅得全
荒塚雨餘生直棘
杏園春晚少啼鶯

江南君到逢司馬
爲問渠孫若個賢

時送友歸

清明登瑤臺

前人

百尺仙臺與客遊和風吹面正輕柔誰家修竹偏臨水
何處垂楊不映樓緩步偶逢佳處歇放懷莫厭醉時謳
君看巫谷橋中水不斷年光日夜流

秦樓

前人

蕭蕭棟宇自明昌城郭人民半杳茫簾捲太行秋氣壯
窗搖汾水素波光目窮白鳥天邊樹詩落青山雲外莊
於此登臨送君去闌于留我倚斜陽

重遊栢塔有感

前人

曾伴衰翁宿上房海榴樹下掛詩囊白雲隔洞迷鷄犬

翠竹摧稍失鳳凰

人呼山爲鳳凰嶺

靈籟聲回驚殿鐸雨花香

解州全志

卷之十五

夏縣藝文

十一

滿散禪床遠公化去誰同話月落空庭塔影長

巫咸河橋

前人

陵谷誰知幾變遷市橋猶號古商賢紅塵閑看送車馬
綠水靜聞流管絃萬古山川能尚質一時桃柳自爭妍
王家平父君當勉莫作臨岐一愴然

葡萄酒

前人

揉碎含霜黑水晶春波灩灩煖霞生甘漿細挹紅泉溜
淺抹輕浮絳雪明金剪玉鈎新製法紫駝銀甕舊豪名
客愁萬斛可消遣一斗梁州換未平

過陽城祠

前人

荊棘叢深隱廟隳半庭殘
甍草芊芊餘生本擬成孤憤
直諫雖伸已五年嶺徼風煙驚鵬鳥
條山花木怨啼鶻
當初只合終嘉遯謾費昌黎論一篇

奉朝命訪張三丰過瑤臺留題道院

胡澹

來來特地訪仙翁雲水何方去
不逢古殿日長秋氣爽
庭梧落盡夜來風

過鳴條岡

王礪

迤邐南來百里長迢迢古路夾重岡
火燒兀兀原頭草
雨灑青青陌上桑
司馬墓前多古栢
禹王祠下盡長楊

解州全志

卷之十五

夏縣 藝文

十二

湯征桀戰無尋處徒使行人幾感傷

瑤臺夜月

姜一洪

烟銷綠野秋光碧露滴瑤臺
夜氣清月到天心無片翳
人間萬象自分明

秦樓夕照

前人

烟光近市晴嵐碧山影入樓空
翠寒倚遍斜陽天欲暮
海風吹月上闌干

涑水橫橋

前人

橋橫碧澗暮沙淺霜落寒潭
秋水深明月自來風欲靜
一泓清鑑照人心

春日登栢塔山見老栢一株亭然盤鬱四山萬栢
環拱而立僧曰此栢母也遂識以詩

鍾 恕

栢塔春風撲面吹登臨初識萬年枝雲枯老幹天根殉
日下香梢晝影遲遍種兒孫分翡翠飽嘗霜雪鬪離奇
摩空獨與星辰伴清蔭千番產紫芝

清明登溫公墓

前 人

刮地陰風起白楊太師高塚洗滄浪一抔土護千年骨
萬載天知九曲腸清瘦中條存故像芳名涑水抱餘香
登臨寒食空回首獨樂園前草樹荒

解州全志

卷之十五

夏縣 藝文

十三

禹城懷古

馬 珂

匹馬冲寒過禹城荒蹊薄暮草初明經行海角歸功地
馳想天涯治水情風蹙廢溝波影動雨摧故堞板痕平
荆榛滿目傷今昔悵望青臺感慨生

謁禹廟

陳鳳梧

指點 倏此舊岡平原古暮自蒼蒼九千里外河山遠
四百年餘統緒長尚有夏書貽典則不須杞籍證文章
興亡今古皆常事獨立荒城送夕陽

謁商相祠

前 人

巫咸頂上宿秋雲匹馬東來拜古墳父子相傳真一脉

君臣際會有殊勲千年香火應同祀五尺豐碑尚斷文
自讀周書增仰止愧無功業繼前聞

謁司馬公墳祠作

前人

重垣松栢拱墳祠石虎莓苔認宋時盛德尚傳司馬里
忠清再勒子瞻碑雲仍已盡猶香火昭穆相承是本支
今日遠來瞻掃地高山流水得吾師

題玉溪洞

陳棐

雲散月明松影靜此時誰抱玉溪琴焚香一卷先天易
萬慮都忘只道心

登大禹廟文命閣

胡來貢

解州全志

卷之十五

夏縣 藝文

十四

百畝靈泉開水檻千年賢令起高樓雲連雉堞孤帆靜
波動魚龍晚氣收文命久知敷大禹絃歌真見誦言游
何將夏邑池邊澤化作商霖遍九州

前題

王喬衡

城上高牙臨水曲花前長嘯倚雲樓晴分色界千巖壯
地接蓬瀛萬籟收禹服只今增氣象汾關自古重登遊
已知結構多才俊綿力深慚守一州

禹廟

李維彥

弗子夫何棘懷襄是已憂胼胝甘盡瘁墊溺忍同流貢
賦咸三壤山川別九州行其所無事神知匪人謀

司馬溫公故里

林 芑

走卒及兒童無不知司馬勲名赫然垂早已被朝野洛
社會耆英致政亦斌雅故里久寂寥誰爲繼起者俯仰
數百年感懷心獨寫

秋夜過中秦里

孫養默

小小肩輿過禹城迢遙曲徑幾經行石橋雲護孤村色
野寺鐘傳半夜聲過客百年經逆旅牽人五斗笑浮名
寒煙正苦籠雙鬢蟋蟀還令感慨生

過禹王城

前 人

向夕蒼郊露氣清河橋渺渺斷人行薄衣涼透風初爽

解州全志

卷之十五

夏縣 藝文

十五

遠浦煙收月正明病起輪蹄憐暮景夢回砧杵動秋聲
萍踪宦海空陳迹腸斷岷山恨晚征

自路村抵夏縣途中遇雨

顧雲崖

獨坐肩輿信所之逼人清景易成詩四山嵐氣雲生處
滿樹風聲雨到時地渴每逢田老問路遙只恐僕夫飢
先憂後樂男兒事千古希文敢自期

遊瑤臺觀

司馬塚

瑤臺兀立禹城東綠柳陰陰一徑通門枕碧流連太液
窗涵青嶂接崆峒良宵詩思松梢月清晝棋聲竹外風
半點紅塵飛不到個中真樂許誰同

開礦嘆

裴守

東山礦務幾時休老拙看來尚百憂
洞口呆哀收白骨街頭粲粲醉紅樓
但知寶藏與山利不慮烽烟起塞愁
欲奏一章無路達可為痛哭淚雙流

謁禹廟

馬巒

雉堞烟消朝市空青臺依舊峙遺宮
一中授受承虞統萬載山河憶禹功
於越荒陵雲樹隔朝元古觀蘚苔叢

夏后氏陵寢在邑池下王村建朝元觀

丹青剥落簷楹圯嘆息誰將正祀

崇

謁巫相父子墓

前人

解州全志

卷之十五

夏縣藝文

十六

中商碩輔此佳城猶有光貽草木榮
斷碣荆榛樵牧地斜陽祠宇古今情
兩賢風遠周書證百世山留巫谷名
更有何人能紹業鳴條西望涑河清

重陽後一日謁司馬墳祠

前人

不到墳祠四十年重來觸景倍思前
頽垣誰護忠清刻

鉅石重鐫粹德篇

東坡親書公隧碑金尹王廷直以朱龕嵌于祠壁今但頽垣而已嘉靖初

侍御碧溪朱公重選巨石再鐫今碑故云

元祐治功光史冊子瞻文翰播人

間淒風苦雨從今古惇卞奸名不與湔

春日遊瑤臺山

前人

郊垆入望渺無涯地絕塵囂寂不譁
羅帶遠拖流水細

畫屏環列碧山斜撲叢粉蝶兼黃蝶隔岸梨花雜杏花
春色撩人撩盡醉東林月上未還家

凌空仙嶠絕紅塵况值東風萬象新花柳陰陰時聽鳥
烟霞寂寂不逢人禹王宮殿斜陽外商相祠堂野水濱
最是浮生俱一夢碧桃開遍洞中春

小憇清正菴

前人

迺蠻祠廢蒼山舊清正菴閑白日斜雨蘚剥餘猶有篆
海榴謝後更無花飽行細讀元賢刻暑渴欣嘗羽士茶
好古幾人同我僻不辭歸騎逐昏鴉

貞姬趙四女

前人

解州全志

卷之十五

夏縣 藝文

十七

仰貞二十五經春詎意今朝識古人陳婦孝姑猶合蚤
竇娥投壑遽成仁從容苦節猶難守艱楚孀居肯怨貧
垂老門閭宜表樹一章何日達楓宸

神禹遺都孝婦鄉地靈再見產人祥霜同清操冰爲骨
石擬貞心鐵作腸未覩夫顏甘守志常蟠髮髻肯梳粧
聞風不獨河間沮金紫還應愧孔光